

康熙臺灣府志

第十冊

康熙臺灣府志卷十

藝文志

宸翰 奏議 公移 序 傳 記 賦 詩

文章經國之大業不朽之盛事六經子史之外凡施諸政事見諸諷詠足以垂世勸俗皆所當尚是以誌集藝文其中

王言如綽宗文德而振武功幾以加矣至若章疏移會銘傳詩篇有關世教例得採取然裴行儉有言士先器識後文藝文雖工非品不傳猶視其人何如耳

宸翰

至聖先師孔子贊 并序

康熙臺灣府志 卷之十 藝文

蓋自三才建而天地不居其功一中傳而聖人代宣其蘊有行道之聖得位以終猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下兼刪述之權明道之聖也行道者勲業炳于一朝明道者教思周于百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以為治國平天下之準其奚所取衷焉然則孔子之為萬古一人也審矣朕巡省東國謁祀闕里景企滋深敬摛筆而為之贊曰



清濁有氣剛柔有質聖人參之人極以立行著習察
舍道莫由惟皇建極惟后綏猷作君作師垂統萬古
曰惟堯舜禹湯文武五百餘歲至聖挺生聲金振玉
集厥大成序書刪詩定禮正樂既窮象繫亦嚴筆削
上昭往緒下示來型道不終晦秩然大經百家紛紜
殊途異趣日月無踰美牆可晤孔子之道惟中與庸
此心此理千聖所同孔子之德仁義中正秉彝之好
根本天性庶幾夙夜勗哉令圖遡源洙泗景躅唐虞
載歷庭除式觀禮器擢臺仰贊心焉遐企百世而上
以聖為歸百世而下以聖為師非師夫子惟師于道
統天御世惟道為寶泰山巖巖東海泱泱高萬仞

夫子之堂孰窺其藩孰窺其徑道不遠人克念作聖

顏子贊

聖道早聞天資獨粹約禮博文不遷不貳一善服膺
萬德來萃能化而齊其樂一致禮樂四代治法兼備
用行舍藏王佐之器

曾子贊

洙泗之傳魯以得之一貫曰唯聖學在茲明德新民
止善為期格致誠正均平以推至德要道百行所基
纂承統緒脩明訓辭

子思子贊

於揚天命道之大原靜養動察庸德庸言以育萬物

以贊乾坤九經三重大法是存篤恭慎獨成德之門
卷之藏密擴之無垠

孟子贊

哲人既萎揚墨昌熾子輿闢之曰仁與義性善獨闡
知言養氣道稱堯舜學屏功利煌煌七篇並垂六藝
孔學攸傳禹功作配

御賜靖海將軍侯施 褒章

海氛之不靖鯨鱷出沒波濤震驚濱海居民漁鹽蠶
織耕獲之利咸失其業朕心恒憫惻焉邇者滇黔隴
蜀湖湘百粵悉底收寧叢爾臺灣阻險負固爾施琅
銜命徂征決策進取樓船所指將士一心遂克島門

康熙臺灣府志

卷之十 藝文

三

通其營窟勇以奪其氣誠以致其歸捷書到闕時值
中秋對此佳辰欣聞凱奏念瀛壖赤子獲登衽席用
紓南顧之憂惟爾丕績卽解是日所御之衣馳賜載
褒以詩島嶼全軍入滄溟一戰收降帆來蜃市露布
徹龍樓上將能宣力奇功本伐謀伏波名共美南紀
盡安流

奏議

報入臺灣疏

施 謹 琅 靖海將軍

題爲恭報微臣先抵臺灣安輯仰祈

睿鑒事竊惟澎湖克捷臺灣求撫兵民俱已削髮臣業經
前後具疏齎繳偽藩鄭克塽降表進上

御覽應當候

旨欽遵奉行兼以出征官兵所需糧餉督臣卽于六月十一日回省悉皆臣撥船過洋來往載運發給今各鎮營官兵秋季餉銀役過四十餘日尚未運到故未得前去臺灣如督標所撥付朱天貴管坐趕繪雙帆船船于六月二十二日夜內朱興卽帶一十三隻經不請令私自逃回尚五十一隻配載官兵二千二百五十六名督臣于閏六月十二日差叅將洪範傳宣揚後功齋文到澎湖守候盡行吊回矣茲本月初八日偽藩鄭克塽脩書差偽副使何士隆同曾蜚齋送前來偽武平侯劉國軒偽忠誠伯馮錫范各致書一封

康熙臺灣府志

卷之十 藝文

四

到澎湖臣軍前稱說臺灣軍民數十萬恐人心危疑不一事久生端請臣速去安輯臣卽會商行間各鎮臣酌派兵船畱守澎湖以為接運糧糈之用臣統率水陸官兵船隻擬于十一日開駕前抵臺灣彈壓暫行安輯將要緊之人先卽載入內地仍移咨督撫或親臨安插或酌委有司前來料理以仰候

勅差戶兵部臣到時與督撫二臣商酌安插得宜臣到臺灣察閱土地人民情形另疏題

報更有請者臣右眼自六月十六日衝擊賊踪被銃打傷醫治至今兩月有餘猶昏昧未明勉強在軍調度剿撫之事勾當臣職已盡伏乞

俞旨准臣班師回汛調治

俯賜睿裁施行

請畱臺灣疏

施璡琅靖海將軍

題為恭陳臺灣棄畱之利害仰祈

睿裁事竊照臺灣地方北連吳會南接粵嶠延袤數千里山川峻峭港道紆迴乃江浙閩粵四省之左護隔離澎湖一大洋水道三更餘遙查明季設水澎標於金門所出汛至澎湖而止水道亦有七更餘遙臺灣一地原屬化外土番雜處未入版圖也然其時中國之民潛至生聚於其間者已不下萬人鄭芝龍為海寇時以為窠穴及崇禎元年鄭芝龍就撫將此地稅與

康熙臺灣府志 卷之十 藝文

五

紅毛為互市之所紅毛遂聯絡土番招納內地人民成一海外之國漸作邊患至順治十八年為海逆鄭成功所攻破盤踞其地糾集亡命挾誘土番荼毒海疆窺伺南北侵犯江浙傳及其孫克塽六十餘年無時不仰塵

宸衷曰卷

旨征討親歷其地備見野沃土膏物產剝溥耕桑並蠶漁鹽滋生滿山皆屬茂樹遍處俱植脩竹硫磺水簾糖蔗鹿皮以及一切日用之需無所不有向之所少者布帛耳茲則木棉盛出經織不乏且舟帆四達絲縷踵至飭禁雖嚴終難杜絕實肥饒之區險阻之域逆

尊乃一旦凜

天威懷

聖德納土歸

命此誠天以未闢之方興資

皇上東南之保障永絕邊海之禍患豈人力所能致夫地方既入版圖土番人民均屬赤子善後之計尤宜周詳此地若棄為荒陬復置度外則今臺灣人居稠密戶口繁息農工商賈各遂其生一行徙棄安土重遷失業流離殊費經營實非長策况以有限之船渡無限之民非閱數年難以報竣使渡載不盡苟且塞責則該地之深山窮谷竄伏潛匿者實繁有徒和同土

康熙臺灣府志

卷之十 藝文

六

番從而嘯聚假以內地之逃軍閃民急則走險糾黨為崇造舟製器剽掠濱海此所謂藉寇兵而齎盜糧固昭然較著者甚至此地原為紅毛住處無時不在涎貪亦必乘隙以圖一為紅毛所有則彼性狡黠所到之處善為鼓惑人心重以夾板船隻精壯堅大從來乃海外所不敵未有土地可以托足尚無伎倆若以此既得數千里之膏腴復付依泊必倡合黨夥竊窺邊場逼近門庭此乃種禍後來沿邊諸省斷難晏然無虞至時復勤師遠征兩涉大洋波濤不測恐未易再建成效如僅守澎湖而棄臺灣則澎湖孤懸汪洋之中土地單薄界于臺灣遠隔金廈豈不受制于

彼而能一朝居哉是守臺灣卽所以固澎湖臺灣澎湖一守兼之沿邊水師汛防嚴密各相犄角聲氣關通應援易及可以寧息況昔日鄭逆所以得負抗違誅者以臺灣為老窠以澎湖為門戶四通八達游移肆虐任其所之我之舟師往來有阻今地方旣為我得在在官兵星羅密布風期順利片帆可至雖有奸萌不敢復發臣業與部臣蘇撫臣金等會議之中部臣撫臣未履其地去畱未敢進決臣閱歷周詳不敢遽議輕棄者也伏思

皇上建極以來仁風遐揚威聲遠播四海賓貢萬國咸寧日月所照霜露所隊凡有血氣莫不臣服以斯方拓

之士奚難設守以為東南數省之藩籬且海氛旣靖內地溢設之官兵盡可陸續汰減以之分防臺灣澎湖兩處臺灣設總兵一員水師副將一員陸師參將二員兵八千名澎湖設水師副將一員兵二千名通共計兵一萬名足以固守又無添兵增餉之費其防守總兵副參遊等官定以三年或二年轉陞內地無致久任未為成例在我

皇上優爵重祿推心置腹大小將弁誰不勉勵竭忠然當此地方初闢該地正賦雜餉殊宜蠲豁見在一萬之兵食權行全給三年後開徵可以佐需抑且寓兵於農亦能濟用可以減省無庸盡資內地之轉輸也蓋

第一籌天下之形勢必求萬全臺灣一地雖屬外島實關
四省之要害勿謂彼中耕種尤能少資兵食固當議
留卽為不毛荒壤必藉內地輓運亦斷斷乎其不可
棄惟去留之際利害攸係恐有知而不言如我

朝兵力比於前代何等強盛當時封疆大臣無經國遠猷
矢志圖賊狃於目前苟安為計畫遷五省邊地以備
寇患致賊勢愈熾而民生顛沛往事不減延禍及今
致遺

朝廷宵旰之憂臣仰荷

洪恩天高地厚行年六十有餘衰老浮生頻虞報稱末由

康熙臺灣府志 卷之十 藝文

熟審該地形勢而不敢不言蓋臣今日知而不言至
於後來萬或滋蔓難圖竊恐

皇上責臣以緘默之罪臣又焉所自逭故當此地方削平
定計去留莫敢擔承臣愚棄之必釀成大禍留之誠
永固邊圉會議之際臣雖諄諄極道難盡其詞在部
臣撫臣等耳目未經又不能盡悉其疑是以臣于會
議具疏之外不避冒瀆以其利害自行詳細披陳但
事關

朝廷封疆重大棄留出在

乾斷外臺灣地圖一張附馬塘進進

御覽緣係條議臺灣去留事宜貼黃懇盡伏乞

皇上睿鑒全覽施行

康熙臺灣府志 卷之十 藝文

九

福建陸師提督張 題請另編額中部覆疏

畧

題為臺灣鄉試宜行額中文法廣昭

文治永固海疆事康熙二十六年四月十八日禮科抄
出福建陸路提督張雲翼題前事等因康熙二十六年
三月初二日題四月十七日奉

旨該部議奏欽此欽遵於本月十八日到部該臣等議得
福建提督張雲翼疏稱丁卯大比之年在臺灣則為
鼎新開科之曰其為士者薦舉之榮未與帖括之習
未深安能遽與八郡爭衡臣見甘肅寧夏生員許另
號額中今臺灣台無准例於闈場另編字號額中一

二名行之數科俟其肄業者眾造詣者精仍撤去另
號勿復限以額數等因前來查科場事宜例應督撫
題請應俟督撫題請到日再議但試期甚逼且臺灣
新經歸附文教初開應將臺灣一府三縣生員等亦
照甘肅寧夏例另編字號額外取中舉人一名以鼓
勵士子其另編字號之處應令福撫擬定咨覆臣部
註冊可也

總督福浙部院郭 題請勻中部覆疏略

題為

皇恩浩蕩最普海疆文教日新僉懇體例造就以弘

文教事康熙三十六年十月十三日抄出閩浙總督
郭世隆題前事等因奉

旨該部議奏欽此欽遵抄出到部該臣等議得福浙總督
郭世隆疏稱臺灣新闢之時經部議覆准其另編字
號額外取中舉人一名至今已歷四科人文日盛學
詣漸精於今科鄉試撤去另號通省一體勻中以示
鼓勵等因前來查康熙二十六年福建提督張雲翼
為臺灣鄉試宜行額中之法等事一疏內稱丁卯大

康熙臺灣府志

卷之十 藝文

十一

比之年在臺灣則為鼎新開科之日其為士者安能
遽與八郡爭衡合無於閩場另編字號額中一二名
行之數科俟其肄業者眾造詣者精仍撤去另號勿
復限以額數等語臣部議覆將臺灣一府三縣生員
准其另編字號額外取中舉人一名等因在案今該
督既稱已歷四科人文日盛請撤去另號一體勻中
等語應如該督所請撤去另號將臺灣所中舉人一
名歸入閩省額內一體勻中可也等因康熙三十六
年九月初五日題本月初九日奉

旨依議

公移

詳請開科考試文

周昌

為亟陳新聞地方資治之先等事康熙二十五年二月二十四日奉

巡撫部院金憲牌據該道呈詳看得風俗之原由於教化學校之設所以明倫臺灣既入版圖若不講詩書明禮義何以正人心而善風俗也本道自屢任後竊見偽進生員猶勤藜火俊秀子弟亦樂絃誦士為四民之首正可藉此以化頑梗之風而成雍熙之治除觀風月課以勵士習并頒行鄉約以導民志外所有一府三縣應照內地事例建立

文廟四座以崇

先聖旁置衙齋四所以作講堂而地方初闢生員稀少每學暫設教職一員聽候

部選以教生徒歲科兩考文武生員照依各府大縣事例府學取進二十名縣學各進十五名以鼓士氣大比之年一體赴本省應試下次考校幫補廩增至手考試責任應否照廣東瓊州事例則非本道所敢擅便也等緣由到部院據此除詳批鼓舞斯文本部院豈無同心因該道府詳臺灣錢糧無徵係因人民凋殘而一時又以士子焚膏繼晷設立學校上請切恐錢糧終不能免益知學校先不得興拜疏者出詳者

康熙臺灣府志 卷之十一 藝文

咸未便耳今之督課該經具見該道以舊館閣畱心文事初闢之區勤求生聚衣食足而後禮讓崇俟賦稅定議 部咨到日通詳會

題等因去後今照臺灣錢糧稅課各項既經本部院具題寬減

部覆俱如所題議定奉有

俞旨欽遵通行在案是此地既經定有賦稅之額卽當徐議教訓之方所有應設學校考校等項合行查議備牌行道照牌事理卽將前詳所指妥確酌議條陳詳報覆酌咨

題通毋違忽等因到道奉此案照先奉

本部院批該本道呈詳前由隨卽轉行遵照在案今奉前因遵卽檄行臺灣府確議條陳去後續據該府詳稱卑府隨行臺鳳諸三縣議詳去後茲據臺鳳諸三縣會詳該卑縣等會查得從來經國之要莫重于收人心而致治之機莫先于鼓士氣臺灣旣入版圖萬年起化之源正在今日此後風易俗厚生與正德相維為用憲臺與道憲之請建學校行考校誠審乎教養之根本為海天第一要務也況今自設立群縣以來憲臺與道憲月課季考獎勵生童與夫卑縣等按季分題課業士子蔚然興起燦然有文章之可觀矣亟須乘時設官考試以培養海國之人才府縣各

學請照內地定例各設教官二員歲科兩試文武童生府學考入二十名此一定之例原無分于府分之大小也臺鳳諸三學應請酌定上中小縣分取八名數生員亦考定廩增附註冊廩生按年出貢三歲大比一例科舉但丙隔海洋學憲兩考斷不能飛舫涉險請就臺廈道憲兼行試事此陝西之延安廣東之瓊州皆有成例應候詳請

題覆酌垂永久者也至于建設學宮工力繁重旣不能議捐于寥寥之貧吏又不能議勸于落落之窮儒倘仍狹小之規模與草創之茅茨不特無堂齋廊舍以為師生絃誦之地卽

御書扁額亦無從懸豎甚非所以翦海外之觀瞻以弘一
統文明之化也則酌議建造誠無容緩其工費所從
出在憲臺自有主裁非卑縣所敢擅便矣等緣由到
府據此該卑府查看得肇造新邦禮樂教化固為致
治之大本所以憲臺于未經到臺之時首以建學校
正人心為請誠灼見乎圖治之要莫有重乎此者矣
卑府于抵任之後亦以士子為四民之首等事請設
師儒講學明倫通詳在案續蒙

院憲以賦稅未定不便遽以學校具

題又仰見

院憲斟酌時宜權衡先後之碩畫也今者賦稅已定

康熙臺灣府志

卷之十 藝文

十五

荷蒙

院憲拳拳不忘海外之士類專檄查議會疏舉行卑
府行據各縣之條議又參以管見之所及備詳憲酌
臺灣府與臺鳳諸三縣應各設一儒學府學應設教
授一員訓導一員各縣每學應設教諭一員訓導一
員內地最爾小邑教職俱經全設車書一統應無異
同科歲丙試取進文武童生府學二十名此直省各
府一定之額固不緣府分之大小而有增減也臺灣
縣係附郭首邑照大學例取進生員十五名鳳山諸
羅縣中學例取進生員十二名廩增附之分別一如
內地逐年考試註冊廩增二項亦照學定額其廩膳

生員內每年挨次考取歲貢起送

廷試此建學考校之大槩也未盡規條應俟

題允之曰于泉州就近移查學政事宜次第脩舉可耳臺

地向係逆巢從前所有士子多係俘掠之衆困于偽

政救口不贍何暇讀書迨自二十三年

部選官員到任以來蒙憲臺倡先樂育月課生童卑

府按季考試各縣亦董率課業現在之生童知所砥

礪所著之藝斐然成章可謂月異而歲不同矣頃聞

建庠考試之行多士洋洋動心摩礪以須庶幾彬彬

乎成文物之邦矣益在臺灣戶口盡屬南閩之人天姿

多有聰慧機智多有明敏一經學問化同時兩惟廣

其功名之路鼓舞作興英才不難乎濟濟也此卑府
身在地方稔知風氣絕非好為誇張故聳聽聞取進
生員之額萬難減少設因目前菁莪未盛減定額數
則大沮上進之人心履洋天險督學道斷難遠涉按
試揆情度勢必歸憲臺就近秉衡良為妥便至于臺
灣偽遺

文廟一座改為府庠大門與

聖殿後屋共三進兩廡矮屋數間而已並無泮池明倫
堂

啟聖殿衙齋等項

聖殿止有一間以探閣全不設傍柱無簷牙棖栴丹簾

彩繪之可觀豈有

先師之正殿而僅造平屋一間者乎此不過偽時草草之規模實

天朝大邦之體統前奉

撫憲行查著令捐脩雖經卑府與憲臺各捐銀二百兩脩葺整頓然原屋隘陋不能大為擴充非另行拆造實不足以崇宮牆泮水之觀瞻已經備悉前詳矣臺鳳諸三縣原無學宮各縣草創茅茨聊供聖賢牌位以盡春秋祭祀之禮誠不可謂之

文廟也府縣

文廟四座所當亟請轉詳

康熙臺灣府志 卷之十 藝文

七

兩院一并具

題動撥河項錢糧查照內地規制估計建造者也等緣由到道據此該本道覆看得臺灣雖僻處海外而詩書絃誦不乏其人本道甫下車知士為四民之首欲正風俗以善人心卽行月課鄉約海濱士子皆喁喁然慕義向風今已歷歲餘月課文章已覺日進仰望興學考校不啻摩礪以須是以本道因賦稅已定民生已寧遂有請建學校以培士氣之請茲奉檄行查議遵卽轉行該府縣逐一酌議條陳據詳臺灣府學應設教授一員訓導一員臺鳳諸三縣學各應設教諭一員訓導一員臺灣府學應照各直省府學事例

取進文武童生各二十名臺灣縣學應照大學例取
進文武童生各十五名鳳諸兩縣學應照中學例取
進文武童生各十二名歲科兩試幫補廩增其廩膳
生員照依各府縣定例挨
次出貢此學校考校之大畧也至于學宮偽遺止有
文廟一座前後三進兩廡矮屋數間今已改為府庠泮
池明倫堂

啓聖殿衙齋俱缺尚須擴闢始成規模臺鳳諸三縣原
無學宮各縣令化民念切到任以後皆草創茅茨聊
供

聖賢牌位春秋釋奠以鼓舞士子之心今應作何題請

建立動撥何項錢糧併歲科兩試作何開考統候
憲裁非本道所敢擅議者也

會薦臺廈監司第一疏

閩浙總制 與永朝

題為臺灣文職員缺等事據布按二司會看得臺灣遠處海外兩隔大洋為閩省東南要區

國家設立重兵鎮守其地予以控制外彝藩維內地任綦重也臺廈一道特設標兵與臺灣總兵權位畧等其間安戢兵民撫綏地方皆該道之責其人必才猷練達年力富強既有廉潔之操持復具深沉之膽識方克勝任而愉快苟非其人則險遠之區凡安民靖盜禦兵足餉表帥屬僚諸事其足上厯憲慮者正自不少也今該道副使王效宗題參員缺奉有遊員保詳之檄查該道員缺應照廣西南寧等府之例于閩省

現在各道內選擇詳請具

題調補今糧道尚未到任驛道尚未補授現在惟延建與汀漳興泉三道而延建汀漳二道又有叛盜之案累悞伏念禦邊之才與腹裡不同腹地監司倘能循謹守職不難坐鎮雅俗若邊地則非才識過人者不可此本司等之於現在各道所以不敢輕為保舉也然求人地相宜似須畧為通變查得泉州府知府高拱乾才守兼優年力並壯有膽有識能慎能勤留心瀕海之情形熟悉巖疆之風土現今又詳委護理該道印務以之陞補臺廈道員缺必能整頓地方撫輯兵民雖與定例未合但為邊海要地得人起見兩司

謹會同保詳伏乞會賜保題特請破格陞補其有裨于地方者非淺鮮也等緣由到臣該臣看得臺灣為海外要區初沾

聖化其間官吏兵民雖臣與撫臣謬荷

皇上簡畀封疆之任得以統歸轄屬然內地往來汪洋萬里拊循調劑欲期一一之法與情符事與地適猶望監司臺土之道員善奉其職也蒙我

皇上軫念遐方自道員以下教職以上俱令照廣西南寧等府之例調補得人而理雖卑秩微官猶不或遺乎睿照况道員更為守令丞尉之表帥而敢不慎重其選乎茲臺廈道王效宗因臺營兵丁朱正等以尅減訐控

經臣會疏題彙解任候訊所遺員缺例應以內地道員調補今據福建布政使李錫會同按察使張志棟詳稱閩省內地各道如糧儲驛傳二道尚未到任延建汀漳二道又有叛盜之案望候欲求人地相宜必須畧為變通查月現任泉州府知府高拱乾才守兼優年力並壯有膽有識能慎能勤堪以陞補臺履道員缺保結前來臣查陞補之與調補于部例固有未協但巖疆重任且當告訐待問之後實非平糴之流可以勝任而愉快如泉守高拱乾者雖履任未久而其言行才守允為方面翹楚臣與撫臣暨藩臬二司所見皆同廉訪無異故敢冒昧保題倘蒙

康熙臺灣府志 卷之十 藝文

二十一

皇上允臣所請破格擢用知其感激恩奮必有以仰報聖恩于萬一也臣謹會同福建撫臣卞 合疏保

題伏乞

勅部議覆施行奉

旨該部議奏

部議于例未合覆行

兩院再題

會薦臺灣監司第二疏 閩浙總制 興永朝

題為臺灣文職員缺等事據布按二司會看得臺灣地方遠處海外凡文職員缺例應將內地品級相當官員選擇賢能者詳請

題補茲臺廈道王效宗 題參員缺原應遵循定例于
現任道員內揀選具詳惟是地當險遠人乏兼才內
地各道類皆循謹安靜雖下現任之職守無忝然求
其文武兼資措施各當使兵民咸畏威懷德而無虞
傾越者實難其選是以前奉遴員保詳之檄兩司亦
既其難其慎籌之再三始將泉州府知府高拱乾詳
請保題陞補蓋從地方得人起見也茲奉題准部覆
仍令照例將品級相當現任官員內揀選竊念人地
必當合宜材質各須器使閩省道員無幾如驛傳道
尚未到任糧儲道到任未久難以輒為保舉此外惟
延建邵道與泉汀漳三道皆所謂循謹安靜之員實

非禦邊之才也夫全才原非易得今欲于寥寥三員
中求之自覺其難若果有可以調補之員兩司前詳
時亦何敢違例保舉泉州府知府高拱乾乎今既未
蒙部允而于現任各道又未敢輕舉展轉圖維頗難
定論伏見我

皇上萬幾之下于繁重地方員缺每每

特簡才能以收得人之效今臺灣為邊海要地臺廈道一

官膺文武之寄安戢兵民撫綏地方責任綦重當亦久在
聖明睿鑒中矣合無詳請俯賜具題將臺廈道一缺仰請
皇上于內外諸臣中品級相當者

特簡補授庶邊疆藉以救寧江海長歌清晏矣等情到臣

該臣看得臺灣一區遠處海外道員監司其地有整頓地方撫戢兵民之責必須智果練達才堪肆應者方克有濟茲臺屬道副使王效宗被兵丁朱正等控訐扣尅經臣會疏題叅續報病故又經撫臣會疏題明所遺員缺例應于閩省現任官員內調補前據布按二司會詳現在道員未有其人以泉州府知府高拱乾保結詳請陞補臣與撫臣合疏保題部議仍應照例將品級相當現任官員內揀選等因臣隨行福建布按二司遵照去後今據布政使李鈞會同署按察司事延建邵道副使黃道行詳稱臺廈道員缺原因遵循定例于現任道員內揀選惟是地當險遠人

乏全才閩省內地道員無幾如驛傳一道尚未到任糧儲一道甫任未久至于延建邵興泉汀漳三道則皆循謹安靜之員實非馭邊之才均難調補請乞特簡補授等因臣查臺灣乃海外之巖疆道員有監司之重寄非知其確有兼資何敢輕為保舉展轉詳擇閩省道員之中委無其人堪以調補不得不仰請廷推賢能以奠海疆者也臣謹會同福建巡撫臣卞合詞具

題伏乞

睿鑒勅部議覆施行奉

旨這員缺著將該督撫前所保題高拱乾補授

治臺議 中有曾經條詳 當事未允施行者並載于

篇以備考訂 高拱乾

一議社餉另立章程番米分別減免查諸羅縣社餉
七千七百兩有奇鳳山縣社餉一百七十兩零社米
四千六百石二縣土番雖具人形皆蓬頭裸體以幅
布遮身糝草束髮其捕鹿為生者諸羅三十四社鳳
山四社種地為生者鳳山八社耳偽藩鄭氏令捕鹿
各社輸餉每社以有力者經營名曰賸社社商而社
商卽以日用所需之物赴社易鹿作脯代輸社餉其
額外股削莫過問焉

國朝討平臺灣部堂鮑公會更餉額雖比偽時稍減較

康熙臺灣府志 卷之十 藝文

二十四

諸內地尤為繁重內地一畝之賦不過一錢每丁徭
銀多至二錢以外番黎世丁輸餉竟有一二兩以至
一二十兩者或此社窮困則彼社勻納其間移甲換
乙莫可稽考有司止按各社總額徵收既不知一番
應輸幾何番亦愚昧毛諸國咽喉卽江浙閩粵四省
藩翰今雖分設郡縣未有城垣捍衛以備禦侮前道
周副使曾經詳請
前任督憲具

題建造然

大司空之議覆只令捐輸營葺工費浩大非區區臺
地文武所能割俸竣事是以竟成道旁築舍伏念海

外要地上費

皇上幾許金錢兵力方入版圖當內外關重之處立萬年不拔之基際此昇平固無他慮而設險守固先賴金湯牖戶綢繆事非迂濶相應詳請再賜入

告將臺灣築城工費或准本省生俊捐納或于省會別開事例庶眾志成城捍禦有賴其所關海國封疆非細故也

初至臺灣曉諭兵民示

高拱乾

為曉諭各安生業以靖地方事照得昔日臺灣地居海外人屬荒徼地非內地而民亦非內民也自鄭氏竊踞以來徵兵徵餉臺民備極苦累

皇上不忍置之化外風聲所及版籍來歸復設重鎮以衛民皆由

皇仁浩蕩軫念周全而又恐兵有故土之思立為更番之制既愛我民復恤我兵正兵與民各安生業共享太平之秋也自前道王鼓鑄之法奉行不善高價以出賤值以收遂使稱干荷戈之人致有無衣乏食之歎而兵遂困矣兵既高價領錢不得不以原價售用使

經營逐末之徒不足以供父母妻子之養而民又困矣誰為長吏而使兵與民交困若此誠長吏之過也本道自守象之日稔知其弊即欲匡救其失而悵非其職今蒙

皇上不遺葑菲特膺簡命來莅茲土此正本道素志之得酬亦願我兵民此衷之共諒也臺灣地氣和燠無胼手胝足之勞而禾易長畝較內地之終歲勤者其勞逸大異此臺農之足樂也即所需耕具或乏牛種本道自當給照聽民內地採買而民可以無患讀書之子特設臺額獲登賢書較內地之人多額少者其難易不同此臺士之足樂也至於歲科兩試本道惟

有矢公矢慎以仰副

皇仁培養至意决不使有遺珠之歎生聚既繁教育日殷昔屬蠻邦今為樂土爾等亦回思鄭氏竊踞時農盡驅而衝鋒士盡驅而冒鎬能有如是之煖衣飽食敦詩說禮者乎若夫兵以衛民原非害民兵固不可以剛強而凌柔弱民亦不宜以土著而欺遠來兵民和睦地方自寧而為兵者亦思遠來海外金錢不易幸際太平之世得無鞍馬之勞况餉銀入手當思上有父母下及妻兒豈無待哺之思而忍付之呼盧狂飲之下幸而年富力強得以支領月糧萬一隆曠老憊家居坐食時能不悔其少年孟浪乎或別有苦累

鎮臺仁慈愷悌無不加意體恤倘有所商本道自當
為爾公同請命必不使有向隅之泣今當本道下車
與爾更始合行出示曉諭為此示仰合屬兵民人等
知悉嗣後各宜安分樂業毋負本道一片婆心不得
游手游食結盟結社醉酒賭錢各安生理倘有故違
國法具在勿為本道言之不早也

月課示

高拱乾

為月課事照得業精於勤而荒於嬉士脩於家乃獻
於

廷曩因臺庠初興文運未盛是以

朝廷另編字號以資中式其造士之典隆且重也年來六
經道試三應賓興選造食餼採芹相繼而起今歲試
不遠攻苦者益宜閉戶潛脩司鐸者尤當加意砥礪
庶不負樂育至意月課之典尤為該學分內之事除
行各學教職外合就出示曉諭為此示仰諸生每月
十六日齊集本學俟本道頒發試題該學教官親督
課試務得本來面目毋使代倩勦襲試畢將試卷封

固限次日呈繳以憑鑒別優劣如有不到生員該學
詳報以憑戒飭施行

嚴禁歲考營鑽招搖示

高拱乾

爲嚴禁營鑽招搖以肅學政事照得本道歷官內外
廉直自矢官輟所至務期弊絕風清前爲溫陵郡守
十有四月一切催科撫字以及清文諸政與泉士庶
尚有輿論自蒙

督兩院會疏上薦奉

命持節東寧蒞任以來殫精求瘼凡於地方應行應止之
事輯綏調劑不避勞怨惟期無愧衾影毋墜家聲內
地遠隔重洋或未甚悉臺中士庶宜無不共聞共見
者至於衡文取士務拔真才營鑽招搖尤本道所深
惡今報滿在即歲試屆期各生童惟當潛心澄慮靜

候本道虛公考取倘或鑽營情面希圖倖進光棍招
搖妄思撞歲不惟本道斷不徇情其奔競之生童招
搖之匪類一經察出問罪悔何及耶除密行訪拿外
合就出示禁飭爲此示仰所屬生童諸色人等知悉
如有不遵本道禁誡靜聽拔取而鑽營情面希圖求
取者定將本生童重究若有鑿空撞歲之徒在外招
搖毋論何人或被首發或經訪聞定將本犯本生一
併嚴拿痛處決不輕貸各宜凜慎毋忽

禁止對兌兵米示

高拱乾

為禁止對支月米以免兵民之累以遵

功令事照得兵餉解之司庫就地尚難對支兵米貯之官

倉欠戶豈容對給誠以

定例所在不容或紊者也且官役俸工按季支領而將士
口糧每月給放軍需所關既較他務為重臺灣地係
初闢孤懸海外更番戍守更視他處不同必各兵無
匱乏之虞始海疆有磐石之安此治邊時艱者所宜
熟計也有司徵收錢糧自有一定之規其間良頑不
一或有拖欠未完自應設法追比今聞臺郡向來陋
習民間不清尾數俱對兵丁月糧令其自行催取實

康熙臺灣府志 卷之十 藝文

三十

為兵民大病夫民有益藏豈肯拖欠一經對支在兵
難免守候之苦在民竟同私家之債欠者益復觀望
取者不免追呼日復一日必至橫逆相加累兵累民
莫此為甚除咨會詳明外合行出示禁止為此示仰
兵民人等知悉嗣後兵糧俱歸縣倉按月支給民欠
俱令有司清追不得仍對月米庶收放合一定之規
兵民免交累之苦如有故違定將該縣揭報并提經
承究處不貸特示

禁重利剝民示

高拱乾

為嚴禁重利盤剝以培海疆元氣事照得緩急通融天下週義開張典雷亦係便民但放債有一定之利息開張有不易之限期臺郡地係新闢人非久著不惟入籍之編戶向化之士番教養方施俱非家給戶足其荷戈遠戍之士卒雖有糧餉亦多貧乏借貸典押平日皆所不免今聞放債之家不遵律例每兩月利加至五六分不等又有影藉各衙門名色散放印錢按日盤算及放與各社土番欺其蠢懦準折其人口捆載其牛畜等項其開張當舖者理應報納當舖有司因其資本無多未便卽令請帖亦竟違

例取利五六分不等且速其取贖之限不及一年即為
已物先則乘其急用貴物輕當繼則靳勒誅求輕出
重入嗟此窮簷吞聲忍氣逼于難已之勢各抱無數
之恨在放債開當者心橫意滿計固得矣曰利曰窮
其如我民何益此風俗不古元氣所以難復也夫除
弊足民雖多良法此其至明至近之事本道豈肯因
循合行嚴禁為此示仰所屬典鋪債家軍民人等知
悉嗣后一遵律例取利毋過三分如有倚勢橫取不
遵示禁者三尺具在本道不徇情面斷行按律究治
庶民生曰有起色豪強知所畏懼特示

禁苦累土番等弊示

高拱乾

為嚴禁曠社需索花紅往來抽撥牛車及勒派竹木等弊以甦土番苦累事照得土番生長島嶼之間衣不掩形家無長物昔為偽藩所踞受害不可勝言今已入我版圖出諸湯火傾心向化可憫可嘉惟賴賢良有司與該地汛守官弁善加拊循免其凍餒多方教誨俾識倫常庶舊習盡更而元氣漸復方無負皇上綏柔遠人德意乃本道下車以來訪聞有司官役於招商曠社時需索花紅陋規以致社商轉剝土番額外誅求番不聊生更有各衙門差役兵厮經過番社輒向通事勒令土番撥應牛車駕駛往來致令僕僕

道途疲於奔命妨其捕鹿候乃耕耘因而啼餓呼寒大半鷄衣鵝面至於白取竹木以供私用責令駝送恬不知怪種種夙弊均應痛處嚴革難再一日姑寬除移行鎮府通行各營會禁外合就出示通禁為此示仰臺屬官役軍民人等知悉嗣後務遵法紀盡改前非曠社之時不許指稱花紅等名色需索分釐陋規凡經過各番社不許勒令土番抽撥牛車擅取竹木苦累番民倘有仍踵前轍一經訪聞官則揭報役則立拿杖斃斷不姑貸各宜凜遵毋貽後悔

勸埋枯骨示

高拱乾

為曉諭事照得見骨則瘞遂號仁人捨地而埋爰稱
義塚誠以惻怛之心亘古今而如一者也臺灣地經
初闢田盡荒蕪一紙執照便可耕耘既非祖父之遺
復無交易之價開墾止於一方而霸佔遂及乎四至
動連阡陌希遂方圓已完課額者雖曰急公尚屬拋
荒者難免壟斷致窮民欲博一坏之土而豪強視為
世守之業非管事之勒資則佃丁之索價同為官地
均可蒙庥爾既可以營生彼獨不可以送死揆之情
理豈得其平除行府縣知照外合就出示曉諭為此
示仰臺屬軍民人等知悉嗣後凡有未墾荒埔果係

官地聽民營葬若係批照在民未經開闢者亦准附近人民營葬不許阻撓如有管事佃丁藉端勒索許赴該縣控告以憑究治亦不許將人家已闢之地借稱營葬希圖侵佔敢有故違一經告發各治以罪愆之毋忽